

17.25 CUNTRASTS SIN SRF 1

A la funtauna – funtaunas mineralas e bogns grischuns

In film da Felice Zenoni.



Betg pervia dal sport d'enviern, mabain pervia da l'aua curativa e las curas da bogn daventa il Grischun ina destinaziun da vacanzas internaziunala. Grazia a la geologia speziala sgarguglian or dal terren e grip grischun surproporziunalmain bleras funtaunas mineralas. Almain 125 èn enconuschentas e tschiffadas. Ils «Cuntrasts» sa mettan a la tschertga d'insaquantas da las pli veglias ed enconuschentas funtaunas e lur bogns grischuns. Il viadi istoric maina a Passugg, Bogn Alvagni, San Murezzan, Scuol, Val Sinestra ed Andeer. Il film na mussa betg mo la bellezza, mabain er il grond privel ch'ina part da quest bain cultural pudess ir en decadenza.